

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-21/25
Vareš, 29.01. 2025. godine

Z A P I S N I K
*sa 2. sjednice Općinskog vijeća Vareš,
održane 30.12. 2024. godine*

Predsjedavajući OV pozdravio je sve prisutne.

Predsjedavajući OV Vareš je pozvao vijećnika Memić Semira, kojem je CIK-a dodijelila mandat da pristupi davanju svečane izjave. Predsjedavajući OV Vareš je pristupio čitanju teksta **Svečane izjave**, a vijećnik Memić Semir je dao a nakon toga i potpisao **Svečanu izjavu**.

Vijećnik Memić Semir je potpisao i Izjavu o upoznavanju i prihvatanju Etičkog kodeksa u budućem radu.

Prisutni vijećnici: Amela Mešić, Asim Balta, Asmir Čizmo, Dario Dodik, Denis Kovačević, Dževad Mahmutović, Edin Ibrišimović, Igor Hinger, Igor Šimić, Irma Rožajac, Malik Rizvanović, Nazif Hajrić, Nermin Hrvat, Nikola Šimić, Semir Memić, Srđan Božić, Šaban Ibrišimović i Zdenko Franjić.

Odsutni: Zdravko Barkić.

Malik Rizvanović – predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 2. sjednicu s početkom u 14.00 sati, u velikoj sali Općine Vareš.

Pored vijećnika sjednici prisustvuju: Općinski načelnik - Zdravko Marošević, sekretar OV - Mersad Đido, pomoćnik načelnika - Ermin Musa, rukovodilac JURA - Rusmir Berberović, ispred Službe za privredu i finansije - Mirza Fatić, Dragan Orozović i Salih Memić, sanitarni inspektor - Velida Džafo, rukovodilac PJ Elektrodistribucije Vareš - Adi Mlivić i predstavnici medija.

Sekretar OV Mersad Đido izvijestio je prisutne da je na 36. sjednici OV održanoj 08.08. 2024. godine, Vijeće donijelo tri (3) zaključka. Dva (2) zaključka su realizovana a jedan (1) zaključak je u toku realizacije. Postavljeno je pet (5) vijećničkih pitanja. Na sva pitanja dat je odgovor usmenim ili pisanim putem (tri vijećnička pitanja prosljeđena su nadležnim tijelima). Na 1. – konstituirajućoj sjednici održanoj 28.11. 2024. godine Vijeće je donijelo dva (2) zaključka i isti su realizovani. Vijećnička pitanja nisu postavljena.

Općinski načelnik Zdravko Marošević pod aktuelnim pitanjima nije imao obraćanje.

(Izjašnjavanje vijećnika o dobivenom odgovoru)

Nije bilo izjašnjavanja.

(Vijećnička pitanja i Inicijative)

Igor Hinger

1. „Može li se u okviru Civilne zaštite ili pri nekoj drugoj službi napraviti tim od nekoliko osoba, koji bi bio na usluzi našim starijim sugrađanima, kako u gradu tako i na selima, na način da se servisiraju najranjivije kategorije tako što će im iscjepati drva, složiti ih, u zimsko vrijeme očistiti stepenice ili prilazni put?“

Pitanje upućeno načelniku općine Vareš i Službi za civilnu zaštitu.

Dario Dodik

2. Moje pitanje se odnosi na poslovnu zonu Kram. Kada se krenulo u izgradnju poslovne zone Kram, koliko novca je do sada uloženo u poslovnu zonu Kram i koliko zaposlenih trenutno radi u poslovnoj zoni Kram? Koliko imamo registriranih poslovnih subjekata u toj poslovnoj zoni?

Nazif Hajrić

3. U ulici Put mira, zgrada P+4 došlo je do kvara sklopke, gdje se stanarima električna energija obračunavala po skupoj tarifi, to je trajalo mjesec i pol. To se desilo prije velikih snjegova i mišljenja sam da su radnici Elektrodistribucije mogli popraviti ili upozoriti stanare da je došlo do kvara i da im se električna energija obračunava po skupoj tarifi. Međutim, kada su se građani žalili obračunata je srednja tarifa za naplatu. Mislim da ni to nije relevantno niti mjerodavno. Tražim odgovor od Elektrodistribucije Zenica da se očituju u vezi ovog problema i da umanje račune ovim stanarima za električnu energiju u narednom periodu.

Šaban Ibršimović

4. Kada će doći do raskida ugovora koji je vezan za stari grad Bobovac, odnosno gradnju objekta ljetovnika i pojačanje kaptaže vode na Bobovcu, a potpisan je sa firmom Mušibegović d.o.o.? Ova firma ima već nekoliko ugovorenih projekata na području općine Vareš, a ne izvršava te poslove.

Semir Memić

5. Koliko je Policijska stanica Vareš napisala kazni u proteklih 5 dana i zašto je iste pisala kada ni jedan parking u gradu nije bio očišćen od nastalih snježnih padavina? Zamolio bih da se očituju što su pisali kazne u ovakvim uslovima i ovakvom vremenu?

Pitanje postavljeno Policijskoj stanici u Varešu.

Amela Mešić

6. „Dobila sam Informaciju od mještana Radonjića da su kao dio MZ Striježvo izostavljeni prilikom zimskog održavanja, pri posljednjim padavinama? Ukoliko je to tako, postavljam pitanje zbog čega?“

Inicijative

Igor Hinger

1. Iniciram izgradnju parkinga ispred JU „Doma zdravlja“ Vareš, između kioska i Doma zdravlja, dio koji trenutno nije ni u kakvoj funkciji. Parking bi služio kako pacijentima tako i samoj Ustanovi.

Također, na istom mjestu putem vijećničke inicijative tražim da se izgradi lift koji je pacijentima i Ustanovi prijeko potreban.

Dario Dodik

2. Predlažem da se donese Odluka, da se iz sredstava od prodaje Centralne radionice, izdvoje sredstva za izgradnju parkinga (dječiji park – izlaz iz ul. Put mira) i da se konačno krene u realizaciju tog projekta koji smo izglasali na sjednici Općinskog vijeća i s tim u vezi je donesena Odluka.

Nazif Hajrić

3. Inicijativa upućena prema JKP d.o.o. Vareš ili onom preduzeću koje bude potpisalo Ugovor o održavanju lokalnih puteva. Kada budu održavali lokalne puteve da se održavanje vrši i u zaseocima svih mjesnih zajednica.

Šaban Ibrišimović

4. O proglašenju izletišta LUKE i projekta za izgradnju Camp lokacije na izletištu LUKE u MZ Dragovići od posebnog značaja za razvoj turizma na području općine Vareš.
(Inicijativa podnesena pisanim putem)

Semir Memić

5. Predlažem da se u zaseoku Berbići MZ Dabravine postavi zaštitna ograda na već postojećem mostu koji je veoma nizak, radi sigurnosti djece i građana.

Predsjedavajući OV stavio je na raspravu Zapisnik sa 1. – Konstituirajuće sjednice OV.

Nije bilo učesnika i predsjedavajući OV stavio je na izjašnjavanje Zapisnik sa 1. – Konstituirajuće sjednice OV i nakon izjašnjavanja vijećnika konstatuje da je **jednoglasno sa 18 glasova „ZA“ usvojen Zapisnik sa 1. – Konstituirajuće sjednice OV.**

Predsjedavajući OV stavio je na raspravu prijedlog dnevnog reda 2. sjednice OV koji je usaglašen na Kolegiju Općinskog vijeća.

Vijećnik Dario Dodik uz dato pojašnjenje predložio je da tačka 6. Izvještaj o finasijskoj reviziji Općine Vareš za 2023. godinu bude tačka 1. dnevnog reda.

Nije više bilo učesnika i predsjedavajući OV stavio je na izjašnjavanje prijedlog za izmjenu dnevnog reda predložen od vijećnika Dodik Daria i nakon izjašnjavanja vijećnika konstatuje da sa **4 glasa „ZA“, 13 glasova „PROTIV“ i 1 „SUZDRŽANIM“ glasom nije usvojen prijedlog.**

Predsjedavajući OV stavio je na izjašnjavanje prijedlog dnevnog reda **2. sjednice OV** koji je usuglašen na Kolegiju Općinskog vijeća i nakon izjašnjavanja vijećnika konstatuje da je sa **15 glasova „ZA“ i 3 glasa „PROTIV“ usvojen sljedeći**

Dnevni red

1. Prijedlog Budžeta/Proračuna Općine Vareš za 2025. godinu.
Izjavitelj: Općinski načelnik
2. Prijedlog Odluke o izvršenju Budžeta/Proračuna Općine Vareš za 2025. godinu.
Izjavitelj: Općinski načelnik
3. Prijedlog Odluke o privremenom finansiranju potreba općine Vareš za period od 01.01. do 31.03. 2025. godine.
Izjavitelj: Općinski načelnik

4. Prijedlog Odluke o izboru stalnih radnih tijela Općinskog vijeća Vareš.
Izvestilac: Sekretar OV
5. Prijedlog Odluke o vrijednosti boda komunalne naknade za 2025. godinu.
Izvestilac: Ermin Musa
6. Izvještaj o finansijskoj reviziji Općine Vareš za 2023. godinu.
Izvestilac: Općinski načelnik
7. Plan aktivnosti za provođenje preporuka po Izvještaju o finansijskoj reviziji Općine Vareš za 2023. godinu, Ureda za reviziju institucija u Federaciji BiH.
Izvestilac: Općinski načelnik
8. Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta i ulica za 2025. godinu.
Izvestilac: Ermin Musa
9. Izvještaj o realizaciji Programa rekonstrukcije, izgradnje i obnove lokalnih cesta i ulica za 2024. godinu.
Izvestilac: Ermin Musa
10. Izvještaj o realizaciji Strategije razvoja lokalnih cesta i ulica u gradu i naseljima i srednjoročnog programa rekonstrukcije, izgradnje i obnove lokalnih cesta.
Izvestilac: Ermin Musa
11. Izvještaj o radu Savjeta mjesnih zajednica za 2023. godinu (MZ Neprivaj i MZ Vareš).
Izvestilac: Malik Likić
12. Izvještaj o problematici pasa lutilica na području općine Vareš i radu skloništa za napuštene pse.
Izvestilac: Velida Džafo
13. Informacija o zdravstvenoj ispravnosti vode sa lokalnih vodovoda na području općine Vareš.
Izvestilac: Velida Džafo
14. Informacija o stanju napajanja električnom energijom na području općine Vareš.
Izvestilac: Ermin Musa
15. Informacija o realizaciji projekata infrastrukture na području općine Vareš za 2024. godinu.
Izvestilac: Ermin Musa
16. Informacija o rekonstrukciji i izgradnji regionalnih puteva na području općine Vareš.
Izvestilac: Ermin Musa
17. Informacija o stanju lokalne i regionalne putne mreže na području općine Vareš.
Izvestilac: Ermin Musa
18. Informacija o vodosnabdijevanju i odvozu smeća na području općine Vareš.
Izvestilac: Ermin Musa
19. Informacija o provedenim aktivnostima u oblasti poljoprivrede na području općine Vareš za 2024. godinu.
Izvestilac: Dragan Orozović

20. Informacija o provedenim aktivnostima u jačanju turističkih potencijala.
Izvestilac: Rusmir Berberović
21. Informacija o aktivnostima Privrednog savjeta Općine Vareš u 2023. godini.
Izvestilac: Rusmir Berberović
22. Informacija o realizaciji USAID-ovog projekta Pomoći lokalnoj upravi u Općini Vareš za 2023. godinu.
Izvestilac: Rusmir Berberović
23. Informacija o stanju zaposlenosti na području općine Vareš i nezaposlenim licima koja se vode kod Biroa za zapošljavanje po kvalifikacionoj, starosnoj i polnoj strukturi.
Izvestilac: Salih Memić
24. Informacija o stanju u oblasti prijevoza u lokalnom i međugradskom saobraćaju na području općine Vareš.
Izvestilac: Salih Memić
25. Tekuća pitanja.

Ad. 1.

(Prijedlog Budžeta/Proračuna Općine Vareš za 2025. godinu)

Izvestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Zdenko Franjić (*uz dato pojašnjenje izjavio da će Klub vijećnika SDP prilikom izjašnjavanja po ovoj tački biti protiv*), Dario Dodik (*uz iznesene primjedbe izjavio je da će prilikom izjašnjavanja po ovoj tački biti protiv*), Igor Hinger (*traži od izjavitelja obrazloženje zbog neprihvatanja amandmana koji je podnio Klub vijećnika HDZ, izjavio je da će Klub vijećnika HDZ podržati ovu tačku dnevnog reda*), Mirza Fatić (*dao je pojašnjenja vijećnicima o prihvaćenim odnosno neprihvaćenim amandmanima i podsjetio da je uz prijedlog Budžeta dostavljen i Izvještaj o provedenoj javnoj raspravi u kome su navedeni podaci o podnesenim amandmanima*) i Igor Hinger (*replika*).

Zaključena je rasprava i predsjedavajući OV stavio je na izjašnjavanje Prijedlog Budžeta/Proračuna Općine Vareš za 2025. godinu.

Nakon izjašnjavanja vijećnika predsjedavajući OV konstatuje da sa **14 glasova „ZA“, 2 glasa „PROTIV“ i 2 „SUZDRŽANA“ glasa usvojen**

Budžet/Proračun Općine Vareš za 2025. godinu.

Ad. 2.

(Prijedlog Odluke o izvršenju Budžeta/Proračuna Općine Vareš za 2025. godinu)

Izvestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o izvršenju Budžeta/Proračuna Općine Vareš za 2025. godinu.

Nakon izjašnjavanja vijećnika predsjedavajući OV konstatuje da je sa 14 glasova „ZA“, 2 glasa „PROTIV“ i 2 „SUZDRŽANA“ glasa usvojena

Odluka o izvršenju Budžeta/Proračuna Općine Vareš za 2025. godinu.

Ad. 3.

(Prijedlog Odluke o privremenom finansiranju potreba Općine Vareš za period od 01.01. do 31.03. 2025. godine)

Ovlašteni predlagач Općinski načelnik povukao je tačku sa dnevnog reda zbog usvajanja Budžeta Općine Vareš za 2025. godinu.

Ad.4.

(Prijedlog Odluke o izboru stalnih radnih tijela Općinskog vijeća Vareš)

Izjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o izboru stalnih radnih tijela Općinskog vijeća Vareš.

Nakon izjašnjavanja vijećnika predsjedavajući OV konstatuje da je sa 18 glasova „ZA“ glasova usvojena

Odluka o izboru stalnih radnih tijela Općinskog vijeća Vareš.

Ad.5.

(Prijedlog Odluke o vrijednosti boda komunalne naknade za 2025. godinu)

Pomoćnik načelnika Ermin Musa dao je pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o vrijednosti boda komunalne naknade za 2025. godinu.

Nakon izjašnjavanja vijećnika predsjedavajući OV konstatuje da je sa 18 glasova „ZA“ glasova usvojena

Odluka o vrijednosti boda komunalne naknade za 2025. godinu.

Ad.6.

(Izveštaj o finansijskoj reviziji Općine Vareš za 2023. godinu)

Izjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Dario Dodik (*smatra da je u Budžetu za 2025. godinu trebalo predvidjeti prelazak na trezorsko poslovanje i sve ostalo što je zatraženo u revizorskom izvještaju*).

Zaključena je rasprava i predsjedavajući OV konstatuje da je **Vijeće primilo k znanju**

Izvještaj o finansijskoj reviziji Općine Vareš za 2023. godinu.

Ad.7.

(Plan aktivnosti za provođenje preporuka po Izvještaju o finansijskoj reviziji Općine Vareš za 2023. godinu, Ureda za reviziju institucija u Federaciji BiH)

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je **Vijeće primilo k znanju**

Plan aktivnosti za provođenje preporuka po Izvještaju o finansijskoj reviziji Općine Vareš za 2023. godinu, Ureda za reviziju institucija u Federaciji BiH.

Predsjedavajući OV predložio je i stavio na izjašnjavanje sljedeći

Zaključak:

- **Zadužuje se Općinski načelnik da na osnovu Plana aktivnosti za provođenje preporuka po Izvještaju o finansijskoj reviziji Općine Vareš za 2023. godinu, Vijeću dostavlja polugodišnju informaciju o realizaciji istog.**

Nakon izjašnjavanja vijećnika predsjedavajući OV konstatuje **da je sa 18 glasova „ZA“ usvojen predloženi Zaključak**

Ad.8.

(Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta i ulica za 2025. godinu)

Pomoćnik načelnika Ermin Musa dao je dodatno pojašnjenje za ovu tačku dnevnog reda i upoznao Vijeće da su osigurana sredstva za putne pravce Mižnovići - Ligatići i put Tunnel - Zaruđe - Strica.

Otvorena je rasprava u kojoj su učestvovali: vijećnik Šaban Ibršimović (*uz pojašnjenje predložio je da se u Program uvrsti sanacija/modernizacija putnog pravca Luke – Mižnovići*), pomoćnik načelnika Ermin Musa (*dao je obrazloženje vijećniku da se Program radi na osnovu ranije donesenih strategija i planova i da nije smetnja ako se sredstva osiguraju jer u Budžetu ima stavka rezervisana za rekonstrukciju cesta i mostova*) i vijećnik Dario Dodik (*mišljenja je da se hitno treba pristupiti izmjeni Strategije razvoja lokalnih cesta i ulica u gradu i naseljima (2022-2032) četverogodišnjeg Programa rekonstrukcije, izgradnje i obnove lokalnih cesta i ulica (2022-2026), o istom je dao pojašnjenje*).

Zaključena je rasprava i predsjedavajući OV stavio je na izjašnjavanje Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta i ulica za 2025. godinu.

Nakon izjašnjavanja vijećnika predsjedavajući OV konstatuje da je sa 15 glasova „ZA“, 1 glasom „PROTIV“ i 2 „SUZDRŽANA“ glasa usvojen

***Zaključak o davanju saglasnosti na
Program rekonstrukcije, izgradnje i obnove lokalnih cesta i ulica za 2025. godinu.***

Predsjedavajući OV dao je pauzu u trajanju od 30 minuta.

Nastavljeno je sa radom sjednice.

Ad.9.

***(Izveštaj o realizaciji Programa rekonstrukcije,
izgradnje i obnove lokalnih cesta i ulica za 2024. godinu)***

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izjavitelj o realizaciji Programa rekonstrukcije, izgradnje i obnove lokalnih cesta i ulica za 2024. godinu.

Nakon izjašnjavanja vijećnika predsjedavajući OV konstatuje da je sa 18 glasova „ZA“ usvojen

***Izveštaj o realizaciji Programa rekonstrukcije,
izgradnje i obnove lokalnih cesta i ulica za 2024. godinu.***

Ad.10.

***(Izveštaj o realizaciji Strategije razvoja lokalnih cesta i ulica u gradu i
naseljima i srednjoročnog programa rekonstrukcije, izgradnje i obnove lokalnih cesta)***

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Dario Dodik (*uz pojašnjenje izjavio da je potrebno izvršiti izmjene Strategije i u ugovorima da se navode konkretni rokovi*).

Zaključena je rasprava i predsjedavajući OV stavio je na izjašnjavanje Izjavitelj o realizaciji Strategije razvoja lokalnih cesta i ulica u gradu i naseljima i srednjoročnog programa rekonstrukcije, izgradnje i obnove lokalnih cesta.

Nakon izjašnjavanja vijećnika predsjedavajući OV konstatuje da je sa 15 glasova „ZA“, 1 glasom „PROTIV“ i 2 „SUZDRŽANA“ glasa usvojen

***Izveštaj o realizaciji Strategije razvoja lokalnih cesta i ulica u gradu i
naseljima i srednjoročnog programa rekonstrukcije, izgradnje i obnove lokalnih cesta.***

Ad.11.

***(Izveštaj o radu Savjeta mjesnih zajednica za 2023. godinu
(MZ Neprivaj i MZ Vareš)).***

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o radu Savjeta mjesne zajednice Neprivaj za 2023. godinu.

Nakon izjašnjavanja vijećnika predsjedavajući OV konstatuje da je **sa 17 glasova „ZA“ i 1 „SUZDRŽANIM“ glasom usvojen**

Izveštaj o radu Savjeta mjesne zajednice Neprivaj za 2023. godinu.

Predsjedavajući OV stavio je na izjašnjavanje Izveštaj o radu Savjeta mjesne zajednice Vareš za 2023. godinu i nakon izjašnjavanja konstatuje da je **sa 16 glasova „ZA“, 1 glasom „PROTIV“ i 1 „SUZDRŽANIM“ glasom usvojen**

Izveštaj o radu Savjeta mjesne zajednice Vareš za 2023. godinu.

Ad.12.

***(Izveštaj o problematici pasa lotalica na području
općine Vareš i radu skloništa za napuštene pse)***

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Igor Hinger (*iznio primjedbe koje su upućene od mještana sela Javornik i Sjenokos u vezi laveža pasa koji su smješteni u skloništu, uz pojašnjenje iznio mišljenje da bi se trebala razmotriti mogućnost zapošljavanja još jednog radnika u azilu i da prioritet budu mještani navedenih sela*) i Dario Dodik (*predložio da ukoliko dođe do potrebe zaposlenja još jednog radnika da se preraspodjeli neko iz organa uprave, o istom je dao pojašnjenje*).

Zaključena je rasprava i predsjedavajući OV stavio je na izjašnjavanje Izveštaj o problematici pasa lotalica na području općine Vareš i radu skloništa za napuštene pse.

Nakon izjašnjavanja vijećnika predsjedavajući OV konstatuje da je **sa 18 glasova „ZA“ usvojen**

***Izveštaj o problematici pasa lotalica na području
općine Vareš i radu skloništa za napuštene pse***

Ad.13.

***(Informacija o zdravstvenoj ispravnosti vode sa
lokalnih vodovoda na području općine Vareš)***

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Igor Hinger (*mišljenja je da treba vršiti ispitivanje voda i sa izvorišta u selima koja nisu u nadležnosti JKP d.o.o. Vareš*), Dario Dodik (*uz pojašnjenje predložio da se razmotri mogućnost iskorištavanja potencijala vode sa jezera „Nula“*), Šaban Ibrišimović (*informisao je Vijeće o stanju vode u MZ Dragovići i pokrenutom projektu fizičke zaštite izvorišta u mjesnoj zajednici*), sanitarni inspektor Velida Džafo (*dala je pojašnjenje vijećniku Hinger Igoru da su uzorci vode uzimani iz mjesnih zajednica gdje se nalaze područne škole i na osnovu tih izvještaja koji su dostavljeni iz JU Dom zdravlja Vareš prikazani su podaci u Informaciji i poduzimane su mjere u slučaju da voda nije zdravstveno ispravna. Upoznala je Vijeće da će početkom naredne godine biti upućen Nacrt Odluke o mjesnim vodovodima gdje će biti jasno definisane odredbe i kaznene odredbe gdje su mjesne zajednice nadležne za održavanje svojih vodovoda*).

Zaključena je rasprava i predsjedavajući OV konstatuje da je **Vijeće primilo k znanju**

Informaciju o zdravstvenoj ispravnosti vode sa lokalnih vodovoda na području općine Vareš.

Ad.14.

(Informacija o stanju napajanja električnom energijom na području općine Vareš)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Zdenko Franjić (*iznio je problem učestalog nestanka napajanja električnom energijom u mjesnim zajednicama Zaruđe, Vijaka i Pogar, uz pojašnjenje sugerisao da se izvidi mogućnost da se prijenos električne energije na ovom području vrši podzemnim putem*), Igor Hinger (*skrenuo pažnju na nestanke električne energije u naselju Ljepovići i mogućnost razdvajanja ovog naselja sa dalekovoda koji ide prema Očeviji*), Dario Dodik (*mišljenja je da je najveći problem predug dalekovod i da treba izvršiti razdvajanje istog prema određenim selima u kojima dolazi do učestalog nestanka električne energije*), rukovodilac PJ Elektrodistribucija Vareš Adi Mlivić (*u svom obraćanju dao je određena pojašnjenja i odgovore na postavljena pitanja: u naselju Ljepovići izgrađena je nova trafostanica i priključena će biti na kabal koji ide prema Strici, ujedno je predviđena i rekonstrukcija niskonaponske mreže, u Vareš Majdanu je na trafostanici zamijenjena rasklopna oprema, dao je pojašnjenje vezano za priključke-iskope i polaganje kablova prema Rupicama a koje je izvršila firma Adriatic Metals, sugerisao je OV da se određene inicijative ispred Vijeća mogu uputiti nadležnim službama Elektrodistribucije*), Dario Dodik (*predložio je da Vijeće uputi Inicijativu Elektrodistribuciji Zenica u kojoj će se tražiti da se što prije krene u rješavanje, odnosno prebacivanje dalekovoda u podzemni vod*) i Adi Mlivić (*upoznao je Vijeće da je Općinski načelnik Zdravko Marošević već uputio akt u formi problema napajanja električnom energijom određenih dijelova domaćinstava*).

Zaključena je rasprava i predsjedavajući OV predložio je i stavio na izjašnjavanje sljedeći **Zaključak:**

- Traži se od Elektrodistribucije Zenica da u saradnji sa Općinskim načelnikom i nadležnim službama poduzme sve aktivnosti u vezi rješavanja problema snabdijevanja električnom energijom na području općine Vareš.

Nakon izjašnjavanja vijećnika predsjedavajući OV konstatuje da je sa 18 glasova „ZA“ usvojen predloženi Zaključak.

Predsjedavajući OV konstatuje da je **Vijeće primilo k znanju**

Informaciju o stanju napajanja električnom energijom na području općine Vareš.

Ad.15.

***(Informacija o realizaciji projekata infrastrukture
na području općine Vareš za 2024. godinu)***

Izvjestilac Ermin Musa izvijestio je prisutne da je u 2024. godini realizovano daleko više infrastrukturnih projekata nego prethodnih godina.

U raspravi je učestvovao vijećnik Šaban Ibrišimović koji je skrenuo pažnju na važnost projekata i planiranje potrebnih sredstava za iste.

Zaključena je rasprava i predsjedavajući OV konstatuje da je **Vijeće primilo k znanju**

***Informaciju o realizaciji projekata infrastrukture
na području općine Vareš za 2024. godinu.***

Ad.16.

***(Informacija o rekonstrukciji i izgradnji
regionalnih puteva na području općine Vareš)***

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Zdenko Franjić koji je upoznao prisutne da su na molbu Kluba vijećnika SDP i OO SDP Vareš, zastupnici SDP u Skupštini ZDK podnijeli amandman da u se Nacrtu Budžeta ZDK planiraju sredstva za rekonstrukciju regionalnog puta R444 Podlugovi – Podkamensko za dionicu makadamskog dijela puta Ivančevo – Podkamensko. Amandman nije prihvaćen i zastupnici su podnijeli Inicijativu koja se odnosi na istu materiju. Ista je u proceduri i u vezi s tim moli sve vijećnike da se politički angažuju da se ista podrži u Skupštini ZDK.

Zaključena je rasprava i predsjedavajući OV konstatuje da je **Vijeće primilo k znanju**

***Informaciju o rekonstrukciji i izgradnji
regionalnih puteva na području općine Vareš.***

Ad.17.

***(Informacija o stanju lokalne i regionalne
putne mreže na području općine Vareš)***

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je **Vijeće primilo k znanju**

***Informaciju o stanju lokalne i regionalne
putne mreže na području općine Vareš.***

Ad.18.

***(Informacija o vodosnabdijevanju i
odvozu smeća na području općine Vareš)***

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je **Vijeće primilo k znanju**

***Informaciju o vodosnabdijevanju i
odvozu smeća na području općine Vareš.***

Ad.19.

***(Informacija o provedenim aktivnostima u oblasti
poljoprivrede na području općine Vareš za 2024. godinu)***

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je **Vijeće primilo k znanju**

***Informaciju o provedenim aktivnostima u oblasti
poljoprivrede na području općine Vareš za 2024. godinu.***

Ad.20.

(Informacija o provedenim aktivnostima u jačanju turističkih potencijala)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici Dario Dodik (*mišljenja je da se treba raditi na razvoju turizma i uređenju infrastrukture – puteva do turističkih destinacija*), Šaban Ibršimović (*podsjetio je prisutne da je oformljena Turistička zajednica ZDK i da je u toku izbor Turističkog vijeća koje broji sedam članova, mišljenja je da je potrebno aktivno se uključiti u ovu tematiku kako bi se Turistička zajednica općine Vareš pozicionirala na kantonalnom nivou*), Dario Dodik (*uz pojašnjenje sugerise da nadležne općinske službe pokušaju dobiti informacije o obavezama za ugostitelje posebno vezano za smještajne kapacitete a koje su regulisane Zakonom o ugostiteljstvu i da sa istim upozna lica koja se bave tom djelatnošću*) i rukovodilac JURA Rusmir Berberović (*izjavio je da se treba nastaviti sa infrastrukturnim projektima lokalnih i regionalnih puteva, jer je to preduvjet za razvoj turizma, upoznao je prisutne da je u kantonalnoj proceduri usvajanje Studije izvodljivosti za zaštitu područja planine Zvijezda*).

Zaključena je rasprava i predsjedavajući OV konstatuje da je **Vijeće primilo k znanju**

***Informacija o provedenim aktivnostima
u jačanju turističkih potencijala.***

Ad.21.

***(Informacija o aktivnostima
Privrednog savjeta Općine Vareš u 2023. godini)***

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je **Vijeće primilo k znanju**

***Informaciju o aktivnostima
Privrednog savjeta Općine Vareš u 2023. godini.***

Ad.22.

***(Informacija o realizaciji USAID-ovog projekta
Pomoći lokalnoj upravi u Općini Vareš za 2023. godinu)***

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je **Vijeće primilo k znanju**

***Informacija o realizaciji USAID-ovog projekta
Pomoći lokalnoj upravi u Općini Vareš za 2023. godinu.***

Ad.23.

***(Informacija o stanju zaposlenosti na području općine Vareš i nezaposlenim licima
koja se vode kod Biroa za zapošljavanje po kvalifikacionoj, starosnoj i polnoj strukturi)***

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici Nermin Hrvat (da li se može dobiti informacija koliko firma Adriatic Metals ima uposlenih sa općine Vareš a koliko sa drugih općina) i Igor Hinger (traži dopunu informacije sa podacima koliko ima prijavljenih lica koja čekaju na eventualno zaposlenje) i Salih Memić (izvijestio je Vijeće da će služba uputiti dopis firmi Adriatic metal za dostavu traženih podataka i da će o istom biti upoznato Vijeće).

Zaključena je rasprava i predsjedavajući OV konstatuje da je **Vijeće primilo k znanju**

***Informaciju o stanju zaposlenosti na području općine Vareš i nezaposlenim licima koja se
vode kod Biroa za zapošljavanje po kvalifikacionoj, starosnoj i polnoj strukturi.***

Ad.24.

***(Informacija o stanju u oblasti prijevoza u lokalnom
i međugradskom saobraćaju na području općine Vareš)***

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući konstatuje da je **Vijeće primilo k znanju**

***(Informaciju o stanju u oblasti prijevoza u lokalnom
i međugradskom saobraćaju na području općine Vareš)***

Ad.25.

(Tekuća pitanja.)

1. Zaključak Nadzornog odbora JKP d.o.o. Vareš, broj: 705-12/24 od 04.12.2024. godine i Informacija direktora JKP d.o.o. Vareš broj: 680-11/24 od 28.11. 2024. godine u vezi problematike zimskog održavanja. Akti su dostavljeni i Općinskom načelniku na znanje i daljnje postupanje.

2. Presuda Kantonalnog suda u Zenici, broj: 04 0 U 014605 24 U 3 od 06.12.2024. godine u vezi tužbe Rudnika željezne rude d.d. Vareš na Odluku OV broj: 01-254/23 od 09.10.2023. godine.

Predsjedavajući OV izvjestio je prisutne da Služba za prostorno uređenje ima obavezu da za jednu od narednih sjednica pripremi i Vijeću dostavi na razmatranje i usvajanje novi prijedlog odluke.

3. Odluka MZ Pržići, MZ Mir i MZ Daštansko od 28.08.2024. godine i Zaključak istih mjesnih zajednica od 18.10.2024. godine u vezi problematike odlaganja jalovinskog i rudnog materijala na lokalitetu Veovača.

Predsjedavajući OV upoznao je prisutne da je Kolegij OV donio Zaključak da se o istom očituju Općinski načelnik i Služba za prostorno uređenje. Očitovanje još nije dostavljeno.

4. Informacija Službe za prostorno uređenje broj: 02/3-2108/24 od 01.10.2024. godine u vezi stanja ruševnog objekta – porodične kuće u ulici Nikovac Vareš u vlasništvu Brković Maje.

Predsjedavajući OV izvjestio je prisutne da su nadležne službe upoznate sa istim i da će izvjestiti Vijeće o poduzetim radnjama po ovoj Informaciji.

5. Zahtjev MZ Budoželje broj: 10-10/24 od 09.10. 2024. godine za izlazak na teren komunalno-građevinskog inspektora kako bi se utvrdilo činjenično stanje o navodima koji su navedeni u Zahtjevu.

Predsjedavajući OV upoznao je prisutne da je komunalno-građevinski inspektor upoznat sa Zahtjevom i da je u toku rješavanje istog u skladu sa zakonskim procedurama.

6. Dopis i Rješenje drugostepenog organa o poništenju Prijave općinske komunalne takse na istaknutu firmu za sportsku kladionicu broj: 13-4/9-15-14-4181-6/24 M.A od 09.10. 2024. godine, dopis sa Rješenjem dostavila je Poreska ispostava Vareš.

Sekretar OV upoznao je prisutne da se po istom očitovao zamjenik općinskog pravobranioca akt broj:R-739/24 od 15.10.2024. godine i da je Poreska ispostava Vareš a po Zaključku

Kolegija OV dostavila Informaciju broj:13-4/9-15-14-4181-7/24 M.A. od 25.12.2024. godine u kojoj je navedeno da se provodi ponovni postupak i po završetku će biti Vijeću dostavljen doneseni akt.

7. Dopis/Ustupanje zahtjeva broj: 06/05/1-04-8017-1/24 od 04.09.2024. godine dostavljen od Ministarstva za pravosuđe i upravu ZDK, u kome se traži informacija da li je u nadležnosti predsjednika mjesne zajednice izdavanje potvrde o vanbračnoj zajednici.

Sekretar OV upoznao je prisutne da je po Zaključku Kolegija OV, Služba za opću upravu, društvene djelatnosti i BiZ Vijeću dostavila Informaciju broj: 02/1-1968/24 od 26.12.2024. godine u kome je dat odgovor da nije u nadležnosti predsjednika mjesne zajednice izdavanje potvrde o vanbračnoj zajednici.

Uz dato pojašnjenje sekretar OV predložio je sljedeći

Zaključak:

- Općinsko vijeće Vareš sugeriše strankama u postupku, Advokatsko društvo Ćemalović d.o.o. Mostar kao punomoćnik Mirele Subašić-Erlbek s jedne strane i Mjesne zajednice Vareš s druge strane, da zaštitu svojih prava traže pred nadležnim institucijama a uzimajući u obzir Informaciju Službe za opću upravu, društvene djelatnosti i boračko-invalidsku zaštitu Općine Vareš broj: 02/1-1968/24 od 26.12. 2024. godine o nenadležnosti za izdavanje Potvrde o vanbračnoj zajednici.

Predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da je sa 18 glasova „ZA“ usvojen predloženi Zaključak.

8. Vijećnik Dario Dodik u svom obraćanju uputio je kritiku u vezi zimskog održavanja regionalnog puta, skrenuo pažnju na potrebu zimskog održavanja i pojedinih zaselaka u kojima ima stanovnika. Traži informaciju da li je potpisan novi Ugovor sa JKP d.o.o. Vareš za zimsko održavanje lokalnih puteva.

Predsjedavajući OV u ime Općinskog Vijeća i u svoje lično ime čestitao je svim građanima Novu godinu, građanima katoličke vjeroispovijedi protekli blagdan Božić i građanima pravoslavne vjeroispovijedi nadolazeći blagdan Božić.

Sastavni dio ovog Zapisnika je audio zapis sjednice.

Sjednica je završena u 16.55 sati.

SEKRETAR
OPĆINSKOG VIJEĆA

Mersad Đido



ZAPISNIČAR

Azra Pijadžer

PREDSJEDAVAJUĆI
OPĆINSKOG VIJEĆA

Malik Rizvanović